



TOSHKENT DAVLAT YURIDIK UNIVERSITETI REKTORINING B U Y R U G ' I

02.04.2024

214-tm-son

Xorijiy ta'lim muassasasida o'qishni davom ettirish to'g'risida

O'zbekiston Respublikasi Vazirlar Mahkamasining 2017-yil 20-iyundagi "Oliy ta'lim muassasalariga o'qishga qabul qilish, talabalar o'qishini ko'chirish, qayta tiklash va o'qishdan chetlashtirish tartibi to'g'risidagi nizomlarni tasdiqlash haqida"gi 393-son qarori bilan tasdiqlangan Oliy ta'lim muassasalari talabalari o'qishini ko'chirish, qayta tiklash va o'qishdan chetlashtirish tartibi to'g'risidagi nizomning 11-bandi va O'zbekiston Respublikasi Vazirlar Mahkamasining 2021-yil 10-iyundagi "O'zbekiston Respublikasi adliya vazirligi tizimidagi ta'lim muassasalarida kredit-modul tizimini joriy etish chora-tadbirlari to'g'risida"gi 359-son qarori bilan tasdiqlangan Toshkent davlat yuridik universitetida ta'limning kredit-modul tizimida o'quv jarayonini tashkil etish tartibi to'g'risidagi nizom, shuningdek, Toshkent davlat yuridik universitetining Polshaning Adam Mickiewicz va Gdansk universitetlari hamda Yaponiyaning Nagoya universiteti bilan tuzgan anglashuv memorandumlariga asosan hamda talabalar E.Mamaraimov, B.Azamjonov, K.Usmonov, E.Mamanorova, J.Nazarova va G.Abdusaidovalarning arizalariga ko'ra

B U Y U R A M A N:

1. Toshkent davlat yuridik universiteti Jinoiy odil sudlov fakultetida stipendiyasiz to'lov-kontrakt asosida ta'lim oluvchi 2-kurs talabalar Mamaraimov Elmurod Azamjon o'g'li, Azamjonov Baxtiyorjon Murodjon o'g'li va stipendiyasiz to'lov-kontrakt asosida ta'lim oluvchi 3-kurs talabasi Usmonov Kamronbek Komiljon o'g'liga Polshaning Gdansk universitetida yurisprudensiya yo'nalishi bo'yicha 2023/2024-o'quv yilining ikkinchi semestri davomida (20.02.2024 – 30.06.2024) akademik almashinuvi dasturi bo'yicha;

Stipendiyasiz to'lov-kontrakt asosida ta'lim oluvchi 3-kurs talabasi Mamanorova Elnora Bekzodjonovna (14.03.2024 – 07.07.2024) va davlat granti asosida ta'lim oluvchi 3-kurs talabasi Nazarova Jasmina Ilxom qiziga (07.03.2024 – 07.07.2024) Polshaning Adam Mickiewicz universitetida yurisprudensiya yo'nalishi bo'yicha 2023/2024-o'quv yilining ikkinchi semestri davomida akademik almashinuvi dasturi bo'yicha;

Stipendiyasiz to'lov-kontrakt asosida ta'lim oluvchi 3-kurs talabasi Abdusaidova Gulruxsorabegim Komiljon qiziga Yaponiyaning Nagoya universitetida yurisprudensiya yo'nalishi bo'yicha 2023/2024-o'quv yilining ikkinchi semestri davomida (01.04.2024 – 07.08.2024) akademik almashinuvi dasturi bo'yicha o'qishini davom ettirishga ruxsat berilsin.

2. Buxgalteriya (M.Parpiyev) davlat granti asosida tahsil oluvchi 3-kurs talabasi Nazarova Jasmina Ilxom qizining 2024-yil aprel oyidan boshlab xorijiy oliy ta'lim muassasasida o'qigan davri mobaynida unga to'lanadigan stipendiya to'lovini vaqtincha to'xtatib turishini ta'minlasin.

3. Uzrli sabablarga ko'ra talabalarga yuqorida ruxsat etilgan universitetlar bilan kelishgan holda ta'lim olish jarayonini onlayn (masofaviy) tarzda ham olib borishlari mumkinligi inobatga olinsin.

4. Xalqaro hamkorlik boshqarmasi (F.Umirov) va Jinoiy odil sudlov fakulteti dekanati (D.Kamalova) talabalarining akademik almashinuviga oid ma'lumotlarni tizimli ravishda yuritish, monitoring va tahlil qilinib borilishini ta'minlasin.

5. O'quv-uslubiy boshqarma (S.Bozarov) talabalar E.Mamaraimov, B.Azamjonov, K.Usmonov, E.Mamanorova, J.Nazarova va G.Abdusaidovalarning xorijiy oliy ta'lim muassasasida o'qigan davri va o'zlashtirgan fanlarini tasdiqlovchi xorijiy oliy ta'lim muassasasining ma'lumotnomasi taqdim etilgandan so'ng, mazkur talabalarining universitet o'quv rejasi va dasturlarining tegishli qismlarini o'zlashtirgan deb topish masalasini universitet Kengashiga kiritilishini ta'minlasin.

6. Jinoiy odil sudlov fakulteti dekani D.Kamalova talabalarining shaxsiy yig'ma jildiga mazkur buyruq nusxasi tikilishini ta'minlasin.

7. Mazkur buyruq ijrosini nazorat qilishni o'z zimmamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Dekan (Fan nomzodi yoki falsafa
doktori (Ph.D) ilmiy darajasiga yoki
xorijiy davlatlarning unga
tenglashtirilgan boshqa ilmiy
darajalariga yoki dotsent ilmiy
unvoniga ega bo'lgan)

D.KAMALOVA



Kelishildi:

Bosh buxgalter

M.PARPIYEV



Bo'lim boshlig'i

I.RO'ZIBAYEV



Boshqarma boshlig'i

S.BOZAROV



Bo'lim boshlig'i

S.RAJABBOYEV



Boshqarma boshlig'i

F.UMIROV



Katta yuriskonsult

A.TURSUNOV

